

續修四庫全書

卷之五

《續修四庫全書》編纂委員會編

續修四庫全書

上海古籍出版社

一三三七・集部・別集類

張文定公觀光樓集十卷 張文定公紆玉樓集十卷 張文定公靡悔軒集十二卷 張文定公

環碧堂集十八卷 張文定公養心亭集八卷 張文定公四友亭集二十卷（張文定公靡悔

軒集卷四至四友亭集卷二十）〔明〕張邦奇撰……………一

涇野先生文集三十八卷（卷一至卷十一）〔明〕呂楠撰……………五七五

張文定公靡悔軒集卷之四

碑五道

徐州洪開碑文

我

國家肇闢寰宇薄海內外咸入朝貢

成祖文皇帝定鼎幽燕大濬元會通河漕東南之粟歲數百萬石入于京師百五十年間或梗滯南自江淮北至海口二千餘里其間山東諸泉汶泗諸流恒不足以濟率賴黃河入之然後水勢充盈漕舟利焉迺者河自趙皮寨南趨毫泗而不復經徐徐州小浮橋斷流徐君

張文定公靡悔軒集卷之四

七

二洪隨亦告竭咽喉既梗

當宁軫憂於是兵部侍郎石岡王公特承

簡命輟樞務以來既至會同總督漕運都御史約菴周公總理河道副都御史淺齋郭公暨巡按直隸監察御史楊君勉學巡鹽御史胡君植相度諮謀以河勢湍悍未易挽回而濬泉導流之餘畜防宜審乃於境山鎮翠柳亭呂梁洪迤南置石閘各一又於高家灘諸處置壩者三為品字置順水壩者三板閘者一以節束水勢而所謂翠柳亭者南于徐州洪數里下流之衝尤宜濬遏然河深且廣施功加難則擇才鳩工務底堅緻蓋於閘

兩傍為石墩高各二仞有半廣厚倍之墩左右為鴈翅長各六仞有半皆糜林灰石灌而築之而又貫以鐵錠聯以鐵鎖閘底布觀石皆如之墩石下承以木板板之下施以龍骨又其下大椿木深入泥中凡萬三千有奇閘附東岸西留月河橫以土壩長為丈五十有六廣為丈三高半之經始于辛丑八月二十五日迄工於十一月二十日凡用夫一千名有奇銀五千二百兩有奇率取諸河道備用之資不絲粟干於民云董役者徐州同知某蕭縣知縣某而丘備副使屠君大山工部都水主事陳君大奎某君則協贊謀議稽督工程以相成茲

張文定公靡悔軒集卷之四

十一

績既乃相與謀曰維茲漕河通圯

國家之命脉關焉石岡公承

上命長慮博詢塞罅緝遺以紓困目前而津潤于無窮其翠柳一閘厥功最鉅不有紀載曷以示遠乃使來請予雅知公諾焉而系之詩曰

皇明御宇都幽燕遙控僑崖羅蜀滇諸夷海外星宿聯

梯航王泉紛雲烟京師供應攢蟬然歲漕加前贏億

千黃河效順既有年一日他之功遂捐呂梁之流十

仞懸儻忽乾枯如石田巨艦千艘膠不前石岡司馬

勝仔肩公口有澤腹有泉地軌天衡歸節宣閘座龍

張文定公觀光樓集
張文定公紆玉樓集
張文定公靡悔軒集
張文定公環碧堂集
張文定公養心亭集
張文定公四友亭集

二

〔明〕張邦奇撰

據中國科學院圖書館藏
明刻本影印原書版框高
二〇〇毫米寬二八四毫米

蟠柱且堅激湍收拾無遺涓江淮直北通長川舟航如羽來翩翩刻詩穹碑翠柳墀不磷兮公德綿綿

太子太保刑部尚書兼都察院右都御史洪公

生祠碑文

正德庚午春盜發川陝湖洛間

上命刑部尚書洪公兼都察院右都御史總制軍務時湖寇丘仁楊清輩焚劫湘潭諸縣趨岳陽而西所過殘燬殺傷官軍無算焚漕舟數十艘聲言欲順流攻賀都其勢張甚公既得

命兼程而行遇賊于沔陽公止用永順土兵百人令鄉

張定生廉韓集卷之四

主一

兵二千人皆爲土兵飾射率進戰遂生擒丘仁戮餘黨七十餘級次日攫楊清叢菁中曾不彌月而湖湘蕩平乃進至襄陽集糧分遣麾下授以方畧督勦諸路斬獲萬計蜀寇藍五鄢本恕等盤據險阨狐鼠進退蜀漢爲騷及是則屢經挫衄循山而遁公計其行程十月當至鎮坪刻期迎戰殺賊一萬三千餘級或請乘勝追之公曰賊因糧干野而我軍以鎗重盤旋其後賊不可得而我軍困矣乃命民近者入城遠者去寨堅壁清野弗與戰賊至無所得日益窘困則詐稱聽撫將緩我師以遁公遂以計生擒首惡二十八人餘黨一時勦獲殆

盡竹溪縣東連漢沔而去鎮坪邇甚故其民德公如父母然公寬仁優裕不以濫殺要功故其功不甚見錄公亦不以屑意遽以老乞歸公錢塘人名鍾字宣之今年壽 容色充盛筋力不少衰竹溪之民念無以報德則相與生祠公廟既大邑之熊貢士某謂其鄉人曰公竭力以衛我曾不勦我而底是績以寧我父子廟以祀公固將圖無窮焉而昭德示遠非文不可乃及其耆老某輩走告于撫治都御史今工部侍郎餘姚陳公公曰吾鄉賢達也固宜紀遂以命予系曰

事有出於求不可以久譽或集於勢不可以據若洪

張定生廉韓集卷之四

四

公者功成不見錄於時而民則祠之其祠之也不於公臨蒞之時而于其退休湖山千里之外之日於乎是足以昭其實也已矣

臨清夏尚書公遺愛祠碑文

我

國家憲

天聰民懷選牧守百六十年海宇寧謐民物阜康守令民功多可稱述若今贈太子太保禮部尚書兼翰林院學士象巖夏公之守臨清則其焯焯尤著者也臨清際畿甸當要衝而軍民雜處治之爲難公視事甫三歲而

其民至今皆慈父德之紀之郡東祠之名宦猶未足也
晉顯干巡撫唐公請專祠以答遺愛既得請則合郡惟
勤若公復生于時憲副齊君瑞卿趙君某及吾宗叔東
沙先生相繼提兵于茲土捐贖金命州守馬驎庀材鳩
工即清源之濱俗所呼觀音嘴者而建祠焉祠成州守
以士民之意告于我宗叔礪碑請予文予竊聞之夏公
之遷臨清也逆寺方作威中外惴恐鎮守者怙以鴟張
誅求少不遂輒中以他事破其家公力抗而折屹屹如
防巨浸弗使橫潰授籍市肆令之曰凡中貴有取乎爾
不問多少悉記之吾將以

張文定公摩悔軒集

卷四

上聞也勢乃少戢嘗欲督學官諫弗聽則擲其杖于地
麾之使去乃免守備武臣越職受詞以圖賄于下公建
議竟以冗員革去弘治乙丑歲大旱走謁諸神祠厲聲
祝曰吏苟弗卹民其吏之罰民則何辜而濫茲酷爲明
日澍雨大降鄉飲有濫賓席者庭諭而黜之士論稱快
州有獄檢勘者乘公卧病輒有所左右公怒力疾而出
獄竟辯明而疾用是益篤矣卒之日棺殮不具王憲副
某爲之周卹歸其喪公剛嚴有大節而治民以寬節財
省刑視之如子每屬其耆老諭以德意恩信字洽訟日
以簡公餘則誦學今爲諸生講解疑義砥礪之以名節

云夏氏貴溪之冠族也公生而瑰偉不倫自入太學上
章帝識已歆動時輩卿大夫子弟執贊盈門類以成名
甚衆舉進士節推嚴州辯奸折獄老吏見推讓平生忠
誠猷畧宜得大用乃僅于一州而止而公于少保桂洲
先生卒致大佐以禮樂贊

中興之治公之澤始覃被天下而崇階殊錫貴及身後
蓋民之情所願於公者而天則償之文中子曰三代之
興諸侯有社稷焉兩漢之盛牧守有子孫焉夫國之典
章原乎天而天之視聽因乎民牧守有子孫是故知天
心之悅也天心悅是故知民生之厚也民生厚是故知
國祚之昌也體天惠民莫厚於公而民之致思天之施
報亦莫厚於公天人感應之機何其著也臨清水陸之
衝舟車日集以百數四方之士登斯祠也孰不感激思
奮捐其私而公是急乎然則

國家於我公之德將百世賴焉獨今日哉乃爲之詩以
暢民之情俾歌以祀公其詞曰

嶺溪口兮龍山陽仙巖峯兮饒江長委靈秀兮公之
身配河嶽兮騰風雲風酒酒兮清塵雲屏屏兮澤洽
我民公逝矣兮何方孰懷公兮可忘敷筵兮授几肅
父老兮權稚子駟蒼龍兮青雲蓋衣金麟兮白玉帶

方顧我兮連蜷忽颺馳兮雲端喜復悲兮欲挽以旋
望鼓簫兮酌清源清源兮洋洋曾山兮蒼蒼公眷言
兮翱翔或臨于墉兮或稅于桑我民報祀兮百世是
虔於赫公聲兮寵光日駢四方之士兮其來如川瞻
拜公祠兮虞公自天

却侯張公去思碑文

孝宗皇帝愛養人才庇于黎庶故士思自效民安以康
時博羅張公爲監察御史有聲朝署間

上卽位之初年檢覈竊柄肆其暴嫉害威于天下天下
守令惴惴慄慄莫知所出乃甘以百姓脂血追禍于朝

奉先帝廟碑集卷之四

上

夕而民用大困一時人才剝喪殆盡張公亦免官家居
上旣獲罪人

詔磔于市三日凡昔之被擯斥者漸起復用一時翕然
勵厥猷爲而張公之守吾四明聲績尤著公名津字廣
漢始至吾郡下令戒民毋相鬪訟喻之禮義務爲安養
生息事無細大舉自有措置然不爲米鹽紛更嘗曰法
必有弊非法之罪變法則弊益滋仍而抹之斯善爲治
者僚屬承式罔不惟度嘗燕鄉大夫薦羞簡甚而情意
款洽酒酣乏技壺取瓦罍爲壺投之以箸其自奉儉渾
類如此故能廉視金玉俸不待餘稍贏則以修學金勗

一切公費至其視民財猶已膚髓搏節愛惜纖芥不遺
承饑荒凋耗之餘曾未暮年而民大裕待士以恩禮或
謂公者苟其德可敬不以其人布衣或忽卽干以私雖
大官勢人面折之不少容歲旱齋戒將出禱吏告公曰
天井之山有靈湫焉嶮巖多叢棘莫可或至舊去秋五
里而壇維歲禱之地公不從冒炎暑援棘蘿詣湫所而
禱焉越一二日天陰微雨水泛秋湧溝澮爲溢日本之
夷以朝貢爲由販易吾土邇歲以來獲利既稔乃數至
至則民大騷公曰曷其使外夷盡吾赤子悉繩以國憲
罔有假貸經畫供億民不爲擾夷人習聞政聲見公卽
怖悸曰天人也明俗以元宵張燈至是星橋火城昭揭
頌語五邑傳誦騰播列郡郡中父老每藩臬臣至相與
羅拜車下願請借寇於

奉先帝廟碑集卷之四

上

朝已而山東寇亂久弗靖當道擇賢有望者司旬宣之
職竟遷公山東參政公行之日小民遮道啼呼擁樹牽
挽屢脫遂持去父老垂法公亦爲泣下明日將懸轡郡
門公竟遣人追還民益大愴公至山東未幾寇靖推僉
都御史提兵大江德勲祿佐日益顯天下將被其澤而
吾郡獨若嬰兒失慈母惘惘不能釋於是慈溪省祭官
裘定等二十餘人欲大碑縣治東旅泊亭謀諸鄉大夫

少參表公壞輦以文屬予用係民之思而垂後人以法乃作詩曰

相古哲王守令是擇布厥德惠厚下安宅用匪其良營營爲已妻妾之奉官室之美國受其殃民蒙其害然讎繁興身名俱敗我儀圖之惟義斯利未暇遠引試言近事秦檣逆賊恣睢四方歛民脂膏積如崇岡惟庶兇頑孤營肺腑懋厥心順以自固一日禍旋爲壘爲粉孰能損人而不自損吾郡罹茲困于寇螫饑饉仍臻涸傷已極顯允我公克開民艱民之援矣我衣寧敝民之飽矣我食寧菲奸婪屏息頌聲四起

張文定公廉悔軒集卷四

九

知奉化縣朱侯去思碑

正德戊寅冬上海朱侯以進士來知奉化甫再葺政平教興當道疏于

朝謂侯才優厥治徙知餘姚既去邑民思之致仕教諭周君槐以文來請將刻石以慰其思惟奉化在東海之濱土磽而僻其民健爭而俗多鄙素號難治侯至集民于廷訓之勤儉勵以賞罰每日昧爽坐堂上吏抱文案

張文定公廉悔軒集卷四

十

客聚公事必詳審以行吏憚其嚴明莫得容其私凡爭訟者使兩輸其情徐折以片言皆俯首心服無一入稱寃者先時縣中惡少三五成群挾妓飲博奢罄則相引爲寇攘侯既明憲禁仍多方緝訪梏示通衢自是好豪端慙莫或旁午民有徭役則預審戶口上下之差載之冊籍而輕重與之無弗均者凡詭寄虛縣隱占灑派一切蠹弊剝刷殆盡尤鉅強梗恤孤釐振窮周之務竭其心流移復業戶口日增縣舊無社學欲置無所乃令於衆有能倡義出地者償其直縣民王文錦卽以其田六畝易地于學宮之西以請侯喜捐俸營建延師集徒間

或至矯情大旦夕名譽苟得遷陞以去足矣不復顧民之苦樂爲經久計民視長吏亦如過客甚者怨憎祝詛不啻若仇讐然矧復有去而思者乎若朱侯爲令動根諸心不徒私一身爲旦夕計嘗慨方勝會通二硤湮圯日久水利不通民困艱食庚辰之歲朝覲歸任方銳意疏築以廣灌溉而徙劇之命下矣推侯之心邑其家民其子也天下豈有父母去其子而弗思者邪侯名豹字子文汾之上海人正德丁丑進士治餘姚如奉化未幾擢監察御史清戎江西所樹大未有涯云系之詩曰
在古哲王憲天之仁建國親侯維以爲民後世守令

張定庵集卷之四

十一

於民最親厚下安宅曰惟得人其人如何仕匪爲身治官如家維以事君居靡赫赫施也循循明察鳥攬嫗煦以恩催科則拙撫字恒勤厥心允勞厥圖維久澤深以遐名垂不朽時異古今人罔先後焉有嬰兒弗慕慈母大洋之涯危乎鮎崎候來蒞止曾不卽夷力稼崇文訓言惻惻敬寡屬婦我政胡私有妨于苗是耘是耔化如蜀郡利比芍陂所在民樂所去民思史冊攸書惟侯嗣之穀陽善政施于少府美哉次公卒登台輔侯陟內臺風清區宇所繫民思豈惟茲土茲侯發迹澤專思苦樹碑豐宮永配卓魯

墓碑銘三

明故資善大夫太子少保吏部尚書致仕贈光祿大夫太子太保謚襄毅許公墓碑銘

天將隆一代之治必生正直敦固魁碩之才以障頽興圯威德被於遐夏而慶澤流於子孫壯節完名豐功峻秩又以照耀歆動於無窮若河南許襄毅公檀極盛於今日固惟天意有在而其自力以動天者則殆非一日之積也公墓在中條黃河之南涯當富華之間大學士李文正公既銘諸神道而南于墓若干步爲關洛衝途過者率延佇瞻望不能去於是公子少保吏部尚書松

張定庵集卷之四

一

臯先生復樹碑其地以慰過客之思而屬文於邦奇謹叙其大畧而系之以詩公諱進字季升別號東厓舉成化丙戌進士擢監察御史巡按甘肅山東舉刺無所避先是都御史陳鉞附太監汪直妄殺人冒陞賞御史強珍劾直逮繫詔獄公率諸御史論之珍謫戍公奪俸三月直又聽讒

奏逮總兵李震百口坐以謀逆公以冤聞得釋而直怒滋甚乃以章疏字訛

奏公被杖幾殆秩滿九載擢山東按察副使監鄉試事有私貴家子者執不從有武官子懷金挾一儒生飲

于酒家其夜被殺有司疑生所爲生不勝拷掠自誣服
公意酒家殺之乃檢商曆見其以殺之翼日市布數疋
一訊太辨弘治戊申遷廣西按察使尋擢都察院右僉
都御史巡撫大同贊理軍務會北虜入貢糾諸百端公
悉心經畫前後上五十餘疏隄備整密而遇以恩禮虜
卒畏服効太監石砦不汰岩誣公擅用旗幟降知兗州
府甲寅遷陝西按察使西陲告急復

命公爲左僉都御史巡撫甘肅吐魯番世璽哈密等處
酋逐其王入據其城因挾求爲王公與都督劉寧輩設
方畧調夷兵深入二千里直抵哈密密奪其故城城中人

萬其聲集卷八

七

尚餘八百劉寧欲盡屠之以益其功公曰戮脅從何以
懷遠且得城無人城誰與守乃止丙辰以功遷右副都
御史巡撫陝西法今峻整權貴歛戢

召爲戶部右侍郎刑部主事鄭岳下獄非其罪公疏白
之庚辰虜入大同

命兼左副都御史提督軍務與平江伯陳公銳出師進
剿陳多攜貴游子弟號爲參隨觀幸功賞公痛爲裁抑
爲近習所不悅已而劾奏總兵官畏縮玩寇有

旨以公擅劾將官不與監督總兵同議遂令致仕歸數
年廷臣論薦數十疏乙丑

召爲兵部左侍郎督團營兵馬進尚書

賜蟒衣三襲正德丙寅

命侍經筵因上言請勤

聖學戒逸游改吏部尚書公取入先節行後才藝而於
抑奔競杜請託尤嚴每銓選考畢即以名第置所授官
職判定卷面雖有貴勢請托不得復爲上下蓋部中至
令備以爲法劉瑾之竊柄也素服公清嚴不甚撓公政
有忤公者諸請瑾瑾不能容會有署員外郎陞署郎中
者瑾請非制請令致仕又以賞薦雍泰爲公罪除其名
而恕猶未解指捩茫昧將重害公事未竟而瑾敗

萬其聲集卷八

七

朝拜用言者後公官仍致仕而公已卒矣贈公太子太
保遣官諭祭

命有司營葬事然鑑典未煩輿情不平章

奏屢上皆格不行數二十年而言者不已至嘉靖丙戌

禮部尚書席文襄公上疏極言詔謚襄毅公魁岸壯重

人望而畏之至其薨後後進特身治官之法平正簡要

士有佩之終身者禮孝謹嘗承嚴訓特指出皿後每舉

指示人輒感泣不已事二兄禮意不替所著有憲臺奏

議平者始末東涯稿生正統丁巳五月初三日卒正德

庚子八月十八日壽七十有四以辛未月日葬

夫人張氏生子詔領鄉薦早卒繼夫人高氏生子誥舉進士擢戶科給事中改翰林院檢討累陞侍讀學士國子祭酒南京戶部尚書次即少保名讚舉進士擢監察御史改編修累陞戶部尚書改吏部加少保兼太子太保記 詩前軍都督府都事詞舉進士累官南京大理寺寺丞論 日誌者側室翟氏出也女三壻曰按察使楊惟康普曰利光祿寺署正趙忬孫八儒領鄉薦次侄傅佩偁偕位饒右軍都督府都事女孫二公高祖行五曾祖信皆不仕祖實安定縣學教諭考聚皆以公貴贈通議大夫戶部左侍郎祖妣焦氏妣何氏皆贈淑

妻定康縣縣志卷之四

十一

妻定康縣縣志卷之四

十一

人後以少保貴開公三世並贈光祿大夫太子太保吏部尚書祖考妣暨公配張高二夫人並贈一品夫人許之先周武王封四岳伯夷之後文叔于許遂爲姓唐宋以來世有顯人元兵馬都元帥威西征過靈寶愛其風士遂居焉靈寶之有許氏自茲始公剛方正大之氣獨稟於國家全盛之時而見於豐豫多故百挫不回之日不惟享祿位名壽以終而子孫保之久而彌盛人無智愚遠近亦愈久而不能忘焉此其可以容心得哉乃作頌詩揭以示之其詞曰

景運重熙河嶽氣完鬱律磅礴公稟其全如山如河氣貌偉然論議湧發志操貞堅

國有大艱輒公是寄公曰在子治如家事剪亂興滅折萌塞兌九邊雄畧多矣勞勩見義必爲匪身是圖嶮巖萬狀惟吾坦途秉政銓曹善類是扶元氣是護群邪興妬完璧以歸卒孰予侮古活千人子孫蒙祉公所全活殆萬生齒屹屹壯節振頽起靡淑我人心永以不死植德孔單穫慶胡矣

皇朝立賢百七十祀屈指數姓尚書父子公位冢卿續維厥嗣南北司徒伯仲偕止凡冷宦族孰婉其美

世罔

邦家其來未艾於赫公休於昭帝登聖昌華挾翼河洛交會過者必瞻公墓在斯

明故通議大夫南京工部右侍郎贈禮部尚書謚文毅黃公墓碑銘

弘治辛亥六月十七日南京工部右侍郎黃公卒于官其子工部主事備適以公事至抹喪以歸計聞天子賜祭命有司營兆域于委羽山之陽先歲除二日葬葬四十年其孫南京禮部右侍郎縉手狀行實以墓碑來請予始在髫髻仰公之遺風而辱知少宗伯最多

且深不得辭顧方領曹監又奉

命核刻二十史不少休暇既乃遭家艱以去蓋自受少宗伯人凡三年始克爲之謹按狀公初諱曜字孔昭後以字行更字世顯號定軒晚號洞山迂叟其先有諱緒者避五季亂自閩遷黃巖之洞山歲久族蕃人稱洞黃曰與庄以孝義聞生尚斌剛直不阿楷模卿邦生彥俊第進士爲兵部職方主事有賢名二世並以公貴贈南京工部右侍郎公年十四自京師扶母金夫人喪歸葬祥而返道聞職方公計一哭輒死翌日乃甦既終喪家貧力學宵晝不懈稍倦手書姓名繫之以自勵歲歛老

張文定公靡悔軒集卷之四

主

婢治粥雜芒粃以進從容揭芒食之而易梁以食其弟妹執友進寧字賀濂舉爲松溪訓導不果笑曰主仕進當藉力於人耶夫順庚辰舉進士授工部屯田司主事司多積垢稍爬刷之遂爲同官者所嫉嗾悍吏構之下獄數月事白彼坐落職而公顧用是起名遷都水員外郎督造幣江南鄉人仕其地者有所饋遺雖尺帛必謝卻之會吏部文選官坐事盡逐召改文選尋遷郎中元天下州縣地方善惡政公繁簡人才賢不肖極意蒐訪耳注籍記罔不周悉間涉請託則未嘗少徇每公退客至輒延見詢訪無倦意或謂當遠嫌則曰今諸司

老語得其直者十不能四五吾復無以盡吾心焉如用人何且閉門孰若閉心便於身而忽於人吾不忍也居銓司十有五年惟守淡執議以贊冢宰所不可用必極力盡言雖不能悉沮比僨事未嘗不服公先見也同考會試有勢家子暮夜持百金私謁叱之不容見然終不言其人既滿九載待次十閱月擢右通政督武職錄黃又五年陞南京工部右侍郎時王役繁錢課不給貸乏民間公曲爲區畫裁省節縮償其逋以萬計有廢廢地及蕘場十餘所爲豪右所侵奏復之司屬有管庫藏者以餘銀數千來饋公怒封白其事慙而退殿中掘地得

張文定公靡悔軒集卷之四

太

銅昇_{銅色}如玉亟命工刻文廟二字送置廟中俄而中貴欲取以獻以文廟遺器而止有詔大臣舉方面公薦樊先生廷璧章先生德懋時稱知人臺臣交疏請任公銓衡而冢宰三原王公兩舉爲吏部侍郎欲以自輔又數因會推薦之甚力俱不從而公遽已告終矣甲寅提學憲臣舉入鄉賢祠春秋從祀

今上中興追念舊德贈禮部尚書謚文毅公好讀書性儉素自奉如寒士而施予不倦以舊宅讓弟女弟貧斥俸給之立義塾訓其族姓以遺田三十畝爲之助鄉有葉仕冕先生者以古行聞言之有司列祀鄉賢編葺方

希直先生遺文復采鄉里前輩文詞爲赤城論諫錄及赤城詩集板刻行世又據其行實爲尊鄉錄其所與交如布政使陳公士賢刑部侍郎林公一鶚祭酒謝公鳴治終始無間林公陳公卒皆爲撫其子或經紀其喪尤精詩律所著有定軒稿若干卷配淑人蔡氏子男三長卽備今贈通議大夫詹事府詹事兼翰林院侍講學士次仕次佐皆天孫男五紹繹維約紉曾孫男十四承芳承文承箕承孝承廉承武承德承仁承祐承言承翰承遜天承敬承禮玄孫男二公內行淳備施之家國洞然純明無俟矯強力襄庶事而不爲詭隨峻出流俗而

九

不較非道光明正大而識慮深微剛勁果敢而與物無競其知人之明好善之篤所謂優於天下非耶顧以忠直不能投時好弗獲柄用慰天下望而賢如職方旋登選部以光嗣先業少宗伯復以績學崇禮致知

至上將大受遠施以畢公之志正如王氏勲業不見於乾德之末而見於景德祥符之間則何必身自爲之而天之所以報公於是益有徵矣乃爲之詩俾刻之桓楹而歌以祀公其辭曰

春申結士楚以疆後裔桓桓名漢唐派演天台稱洞黃允文文教揚其芳玉雪膏懷金石腸威迫利誘華

予傷銓衡歲久名益彰周爰谷度思無疆區別牝性兼驪黃天閑十二無遺良工曹建華何周詳好墨隄通民胥康如公柄用天下望或嫉其正難其剛亦獨何心真病狂天之定矣誰助勸翼賢孫煥有章遠猷貞志吁難量委羽之山長發祥昔者通公今取償明贈奉政大夫大理寺右寺丞介菴魏公墓碑銘

魏之先漢鉅鹿人也唐武進令政始遷會稽之山陰武進之孫莫州司馬明復又遷餘姚之蘭風

國朝洪武初徙居鳳亭之許家山者則四川按察司知事克明公高祖也曾祖曰思聰祖曰脩齡祖妣陸氏吏部郎中孟良妣也生子五次曰璣璣沈氏生公公諱鎧字孔文介菴其別號生三歲二親皆亡教育于祖妣以克成大而伶丁孤苦顛險陷危者屢性敏悟強記稟學於叔父珪讀書數過輒成誦且通曉大意授易肄進士業卒撓於單寒歎曰命也置之乃以鬻敗游京師比歸於亢

朝廷政令宮闕規制山川道途風俗人才能一一道悉之若久涉宦途者殺直爽豁美鬚善談論與人語未嘗苟徇往往見歎賞悅服焉嘗應郡辟從事嘉興之海

擢長法行恕與儕輩恒不協邑有馮姓者素良民也與賊黨有隙攀入獄坐罪當死馮妻赴愬不得達公聞之密為檢狀果受誣力請於邑令覃秀鞠勘釋之然自此益為儕輩所擠公笑曰何為自成天理二至於是且與吾輩敝俗習以苟利祿縱得之如吾心何棄之而歸謂室人黃曰吾生業如此兒女日益長當奈何黃曰殖生不如教子公喜曰吾志也蓋公長子今都憲公之生也夢有龍告戶日者復曰必大顯乃延師友購書籍悉力教子雖傾資不計諸從姪少涉不善面誨之不悛叱之雖為所嚙不恤也里閭或有所短長必造公公以理譬

張文定公靡悔軒集卷中

十一

曉之率愧服以去隣有張氏染疫人畏避不敢近公朝夕視之竟亦無恙痛父母早世賴祖母陸以立祀享必哭泣平居語及必與淚俱有三姊友愛尤篤比沒也哀痛尤倍常云公疾亟都憲適自外歸公喜甚既數日謂曰汝必酬吾志恨吾不汝見耳遂瞑時正德戊辰六月十四日距生景泰壬申四月二十六日壽五十七配黃氏生天順丁丑九月二十二日卒弘治乙卯五月二十七日繼衛氏生天順戊寅四月八日卒弘治辛酉九月十四日合葬于許山之東麓嘉靖癸巳天子覃恩天下公以都憲公貴贈文林郎雲南道監察

御史丁酉都憲以大理秩滿贈公奉政大夫大理寺右寺丞配黃氏衛氏並贈孺人加贈宜人子男二長即都憲公有本妻邵氏贈孺人加贈宜人繼娶柴氏封孺人加封宜人次有容邑庠生娶江氏女二適宋朝相孫男二長乾亨邑庠生娶朱氏太僕丞右岩之女次謙亨早殤孫女四長適楊憲副之子庠生乾知次聘庠生楊申餘未笄曾孫男一宗阜都憲公出撫河洛還通擢蘇稿瘡震綏有方名績日益起間欲樹碑于公墓以故翰林修撰韓君應龍所為狀馳价示予請為之文手書且數至予觀魏氏之盛其緒遠甚而公之培護之力居多焉

張文定公靡悔軒集卷中

十一

其感通於天若持券相授受缺則昭揭墓隧以風厲斯世文惡可已哉為之銘曰

公身帶耀氣激昂魏宗寂寂臨姚江陰德從來天所昌于公豫擬高門墻浮俗胡為喪厥良面目人也心豺狼有隕于牢號空蒼耳聽煩冤如未嘗公暇其間意弗臧撥棄名利如批糠辨誣伸枉願則償嗣然乘船歸故鄉亢宗興闕端可望溫溫胤子如圭璋傳霖今日中土旁行見膏雲敷四方許山之陽勢翕張褒封兩度輝崇崇鼎來未艾維
恩光天人孚假焯有常有或不信觀銘章

神道碑銘六首

明贈光祿大夫太子太保禮部尚書兼翰林院學士嚴公神道碑銘

嘉靖己亥春二月

上冊太皇太子覃恩寓內太子太保禮部尚書兼翰林院學士嚴公獲進贈厥考仰雲公光祿大夫如其官乃述公行實授某曰嵩不佞實賴先公遺德與其訓言以克有今日維先公沒二十有二年始以

詔例贈翰林編修秩文林郎禮部尚書石潭汪公嘗爲文表墓後十五年以

張全庵集卷中本

世

郊恩贈通議大夫禮部左侍郎越三年爲嘉靖癸巳

遇皇太子生

詔贈資政大夫南京吏部尚書追今晉贈一品表皆未

之及茲以

制得樹碑神道願吾子嗣書之某念自弱冠從官保後秘閣史局密邇規誨閱今三十年仰承公之遺餘義於吾親蓋均焉惡得以不文辭謹按狀公諱淮字伯川袁州分宜人曾祖孟舉進士官至布政使祖璉父驥並贈如公官母張氏累贈一品夫人公少讀書有用世志弗就官保公生數歲軀靈異麟人公曰其成吾志乎躬

自督課不輟寒暑延經師屬生徒隆禮而優餼之異書厚直購之至傾其資弗計鄉人群喧以爲狂忘者或計散其徒以撓敗之而公意益堅泰二親得其懽有甘膺必亟以進撫二弟體卹備至嫺族無疎戚有急赴之恐後嘗曰夫陰德云者謂其冥施而不以徼耳故與人貿易約取而豐與率以爲常或勸公修祠宇飾神像求福笑不應里中病涉則爲之捐貲建橋無靳色焉遇事有分辨好善疾惡侃侃無所回伏席坐中面折人過人咸憚之嘗扁其樓居曰仰雲室取閱適自况而澤物望諸後云公自念方伯公謝世歷三世隱弗耀鬱積磅礴爲日既久而所居又擅山水奇勝靈秀翕蓄宜有待而發天時人事意必有參相會者每用是自負或時對客言之比其歿也官保公年甫十六已斐然動時譽旣而舉進士高第入翰林累陞國子祭酒以至今官

明天子大制作大謨議壹以屬之敏應疾書曾不移晷文章事業輝赫今日而遠猷弘濟將大需公之遺澤所謂觸石膚寸而雨天下以慰厥仰雲之心者殆又未可量也公嘗言世人務殖田以遺子孫吾惟一經由今觀之公之所遺與世孰多耶天性孝義居常述古孝義事以風子姓多行善事而口不言及卒遠方游客寒士泣